



ԵՐԵՎԱՆ ՔԱՂԱՔԻ ԱՌԱՋԻՆ ԱՏՅԱՆԻ ԸՆԴՀԱՆՈՒՐ  
ԻՐԱՎԱՍՈՒԹՅԱՆ ՔԱՂԱՔԱՑԻԱԿԱՆ ԴԱՏԱՐԱՆ  
ԱՐԱԲԿԻՐ ՆՍՏԱՎԱՅԻՐ

(ՀՀ, համայնք Երեւան, Քաղաքեռ-Չեթոնի, ՀՐ. Ներսիսյան Փ., մասնաշենք 10)



Սույն փաստաթղթի իսկությունը հնարավոր է ստուգել <https://verify.e-gov.am> կայք  
ուև մուտքագրելով IEBB-6393-467E-8CB7 հսկիչ համարը կամ սքանավորելով QR կոդը:

**ՈՐՈՇՈՒՄ**

**ՔԱՂԱՔԱՑԻԱԿԱՆ ԳՈՐԾԸ ՎԱՐՈՒՅԹ ԸՆԴՈՒՆԵԼՈՒ,**

**ՎԵՃԸ ԳՐԱՎՈՐ ԸՆԹԱՑԱԿԱՐԳՈՎ ՔՆՆԵԼՈՒ,**

**ԴԱՏԱԿԱՆ ԱԿՏԻ ՀՐԱՊԱՐԱԿՄԱՆ ՕՐ  
ՆՇԱՆԱԿԵԼՈՒ ՄԱՍԻՆ**

ԵԴ2/4753/02/25  
21 Ապրիլի 2026թ

ք. Երևան

Երևան քաղաքի առաջին ատյանի ընդհանուր իրավասության քաղաքացիական դատարանը՝ նախագահությամբ դատավոր Դ. Օհանյանի (այսուհետ՝ Դատարան), ծանոթանալով թիվ ԵԴ2/4753/02/25 քաղաքացիական գործը վարույթ ընդունելու հարցը.

**ՊԱՐԶԵՑ**

«ԹՐԵՅԴ ՀԱՈՒԶ» ՍՊ ընկերության անունից հայցադիմում է ներկայացվել դատարան ընդդեմ ՀՀ ներքին գործերի նախարարության՝ ՀՀ ներքին գործերի նախարարության թիվ ՀՀ ՆԳՆ ԷԱՃԱՊԶԲ-2025/Ա-70 ծածկագրով էլեկտրոնային աճուրդի գնահատող հանձնաժողովի 22.04.2025թ.-ի թիվ 5 արձանագրության 2-րդ կետով «Թրեյդ Հաուզ» ՍՊԸ-ին 16-րդ չափաբաժնի մասով հաղթող ճանաչելու և «Թրեյդ Հաուզ» ՍՊԸ-ի հետ պայմանագիր կնքելու մասին որոշումն անվավեր ճանաչելու պահանջների մասին:

Դատարանի (դատավոր՝ Ն. Ավետիսյան) 24.06.2025 թվականի վճռով հայցը մերժվել է: ՀՀ վերաքննիչ քաղաքացիական դատարանի 20.02.2026 թվականի որոշմամբ վերաքննիչ

բողոքը բավարարվել է մասնակի: Թիվ ԵԴ2/4753/02/25 քաղաքացիական գործով ՀՀ Երևան քաղաքի առաջին ատյանի ընդհանուր իրավասության քաղաքացիական դատարանի 24.06.2025 թվականի վճիռը բեկանվել է գործն ուղարկվել է նույն դատարան՝ ամբողջ ծավալով նոր քննության:

Քաղաքացիական գործը 16.04.2026 թվականին մակագրվել է դատավորին, իսկ Համակարգում դատավորին և նրա աշխատակազմին հասանելի է դարձել նույն օրը, ժամը 21:30-ին:

Հաշվի առնելով, որ այդ պահին աշխատանքային ժամն ավարտված է եղել, Համակարգում հասանելի դառնալու պահ է համարվում 17.04.2026 թվականը:

ՀՀ քաղաքացիական դատավարության օրենսգրքի 234.5-րդ հոդվածի 2-րդ մասի համաձայն՝ գնումների հետ կապված վեճերը քննվում և լուծվում են հայցադիմումը վարույթ ընդունելուց հետո՝ երեսուն օրվա ընթացքում: Դատարանի պատճառաբանված որոշմամբ նույն մասով նախատեսված ժամկետը կարող է երկարաձգվել մեկ անգամ՝ մինչև տասն օրացուցային օրով:

ՀՀ քաղաքացիական դատավարության օրենսգրքի 234.6-րդ հոդվածի 5-րդ մասի համաձայն՝ հայցադիմումը վարույթ ընդունելու մասին որոշումն անհապաղ ուղարկվում է «Գնումների մասին» Հայաստանի Հանրապետության օրենքով նախատեսված լիազորված մարմնի պաշտոնական էլեկտրոնային փոստի հասցեին: Լիազորված մարմինը նույն մասով նախատեսված որոշումն անհապաղ հրապարակում է «Գնումների մասին» Հայաստանի Հանրապետության օրենքի 2-րդ հոդվածի 1-ին մասի 14-րդ կետով նախատեսված տեղեկագրում՝ նշելով կասեցման օրը:

ՀՀ քաղաքացիական դատավարության օրենսգրքի 234.9-րդ հոդվածի 1-ին մասի համաձայն՝ դատարանը նույն գլխով նախատեսված վեճերով գործերը քննում և դրանց վերաբերյալ վճիռները և որոշումները կայացնում է գրավոր ընթացակարգով, բացառությամբ այն դեպքերի, երբ դատարանը գործին մասնակցող անձի միջնորդությամբ կամ իր նախաձեռնությամբ եկել է եզրահանգման, որ անհրաժեշտ է գործը քննել դատական նիստում:

«Գնումների մասին» ՀՀ օրենքի 2-րդ հոդվածի 1-ին մասի 13-րդ կետի համաձայն՝ նույն օրենքում օգտագործվում են հետևյալ հիմնական հասկացությունները. լիազորված մարմին՝ պետական ֆինանսների կառավարման բնագավառում Հայաստանի Հանրապետության կառավարության քաղաքականությունը մշակող և իրականացնող՝ Հայաստանի Հանրապետության գործադիր իշխանության պետական մարմին:

Միաժամանակ հիմք ընդունելով ՀՀ քաղաքացիական դատավարության օրենսգրքի 234.9-րդ հոդվածի 1-ին մասը՝ Դատարանը գտնում է, որ գործը ենթակա է քննության գրավոր ընթացակարգով:

Անդադառնանալով սույն որոշմամբ միաժամանակ պատասխանողից ապացույց պահանջելու հարցին, Դատարանն արձանագրել, որ Երևան քաղաքի առաջին ատյանի ընդհանուր իրավասության դատարանի (դատավոր՝ Ն. Ավետիսյան) 23.05.2025 թվականի որոշմամբ ՀՀ ներքին գործերի նախարարությունից պահանջվել է դատարան ներկայացնել թիվ ՀՀ ՆԳՆ ԷԱՃԱԳՁԲ-2025/Ա-70 ծածկագրով էլեկտրոնային աճուրդի գնահատող հանձնաժողովի 22.04.2025թ.-ի թիվ 5 արձանագրության և «Թրեյդ Հաուզ» ՍՊԸ-ի հետ պայմանագիր կնքելու մասին որոշման հետ կապված իր տիրապետման տակ գտնվող բոլոր ապացույցները, որը վերջինիս կողմից կատարվել է:

Ելնելով վերոգրյալից և ղեկավարվելով ՀՀ քաղաքացիական դատավարության օրենսգրքի 125-րդ, 199-րդ և 200-րդ հոդվածներով, ինչպես նաև 27.2-րդ և 11.1-րդ գլուխներով՝ Դատարանը

## ՈՐՈՇԵՑ

1. Թիվ ԵԴ2/4753/02/25 քաղաքացիական գործն ընդունել վարույթ:
2. Գործը քննել գրավոր ընթացակարգով:
3. Եզրափակիչ դատական ակտը կհրապարակվի 04.06.2026 թվականին ՀՀ դատական իշխանության պաշտոնական կայքի միջոցով:
4. Որոշումն անհապաղ ուղարկել լիազորված մարմին ՀՀ Ֆինանսների նախարարություն:
5. Որոշումն ուժի մեջ է մտնում կայացման պահից և բողոքարկման ենթակա չէ:

**Դատավոր՝ Գավիթ Օհանյան**

---

*Տվյալ ֆայլերին կարող եք ծանոթանալ նաև մուտք գործելով ["Էլեկտրոնային դատավարություն"](http://cabinet.armlex.am) համակարգ՝  
[cabinet.armlex.am](http://cabinet.armlex.am)*